



一粒飯包

「過晝咧，請一儕領一粒飯包轉去食！」

雅秀四正个外觀，嗯，看起來毋會慳！領著飯包，一陣燒暖傳對手項來，還貼心哦，還有一杯燒湯呢！恁用心个飯包，哪定个？看真了，燒暖退撇一半，「信望愛甜甜屋」，腦海肚浮出一個畫面：嘴開開、目呆呆、行路踉踉蹌蹌，無定著還流緊口涎个一陣人，心肝肚恁：曾好食？有淨俐無？

在車肚，飯包像搞怪个細亞共樣，帶緊燒燒柔柔个香氣，遊遊野野掙到歸車飯菜香，錫到肚屎嘅哩咕嚕緊抗議。毋過心肝肚還係無確定，這粒飯包到底食得無？

轉到屋家，飯包還燒灼燒灼，像拆祕密禮物个心情趕緊打開飯包。「哇！」香氣衝對鼻公來，錫人萋蹕个菜色，看得出做飯包人个認真，菜色還多哦！記毋得、算毋出有幾多種還過有哪兜菜，斯知五穀飯甃軟，豆腐干燻到會承牙，青菜油光油光，鹹淡也堵堵好落嘴。平常時外背食飯，驚怕蒂頭無洗淨，乜驚農藥害過，恁毋食青菜。今晡日天落紅雨了，恁食到一脣(sud`)菜屑(seb`)都無伸。該菜蓋頭真會囡泥个位所，恁挑挑掙開來巡，當場感動到心肝肚五味合雜，實在淨俐！第一擺食到恁歡喜、恁放心个飯包，難得个係飯包肚看毋著有加工過个齋料，除了好食還較多个係感心！

飯包既經食撇了，燒暖个感覺跔喉嚨行到心肝肚。係仰脣个愛心同耐心，分訓練个先生甘願挑戰高難度，付出加倍个時間來提點該兜慢板、毋伶俐个一陣人，花幾多心血正做得出恁泥高水準、有品質个飯包！「一枝草一點露」因為先生，厥等除了畜飽自家外，乜減輕了屋家人个負擔。上天少分該陣人某種能力，毋過訓練先生發揮人性个光明面，教厥等打開另外一扇窗門，毋使靠人同情、救濟，擎起釣槎斯釣自家想望个彩色魚。旁觀个恁等除了欣賞、鼓勵，更加需要个係支持。希望社會个溫情能得像厥等个飯菜香共樣，傳到長長久久。

作者：劉玉蕉

☆詞彙學習

- 【遊遊野野】rhiu` rhiu` rha+ rha+：閒蕩。 【燻】biag`：用油乾炒。
 【燒灼】sheu+ ho+：微熱的樣子。 【承牙】shin` nga`：食物有韌性，口感彈牙。
 【萋蹕】ci+ ciog`：新鮮而亮眼。 【驚怕】giang+ pa`：恐怕、擔心。
 【天落紅雨】tien+ log` fung` rhi`：比喻不 【菜蓋】coi` hab`：菜葉。
 可能的事。

☆文法學習☆

- 【對】dui`：從、往。依上下文或語境的不同，揭示動作位移的源頭、路徑與方向。
 例1：恁昨暗晡正對臺中上來。（我昨晚才從臺中北上。）
 例2：對這條路去，毋知使得到無？（經由這條路去，不知能否到達？）
 例3：麼个東西恁臭轟，衝對鼻公來，實在佇毋著！（什麼東西臭味這麼重，薰向鼻子，實在受不了！）